

Epistola Dedicatoria.

suæ stabilitatem desumpissent. Sed quale nisi *Tvym*? Verùm hoc appetere, infirmioris est naturæ indicium, obtinere, robur est externum, aut fucus illustris. Debiliores hederæ gerulis quibusdam fulcris inniti solent, obscuriores gemmæ subdole teruntur, vt emicent, & auro circumposito radios induunt, cæteris æmulos. Ideò illud pro dignitate censeo æquius, *CELSIS-SIME PRINCEPS*, quòd *Te* suum iudicem incorruptum habeant, cum præter heroicæ virtutes innatas, nostris, & posteris indices sæculis, quantum sit discriminis inter Doctos, cultosque Principes, & eos, qui nihil fulgoris habent, nisi ab ortu, & à luce Maiorum. Tantum pondus, illud tanti Principis firma *AVILÆ* perspicacitate insigniti iudicium, habet, vt cum ab ipsa æquitate nullum melius expectetur, nostræ Decisiones per ipsum eò peruenient, vbi ab invidentium dentibus res magis sinceræ conferuantur, ab eoque tanquam ab intelligentia, quæ cœlesti, terrestrique orbi, lumen, motum, & quietem tribuere, ab aliquibus Philosophis creditur, in rationibus clarè deducendis lucem, in ventilandis agtandisque controuersijs motum, & in illis componendis, & sedandis, quietem accipient. Sed fortè vltra proprios meæ humilitatis limites, ad temerarios ausus progrediar, si tantum interpellem iudicium, in materia, quæ exigua videbitur, Minimi calamo delineata, quamuis quæstionibus in Aristotelicos octo Physicorum, & de Anima libros totum sensibile, ac intelligibile completatur. Nihil tamen est materiæ ita diffusæ tribuendum exiguitatis; imò quia *Tvvs* animus nullos sibi, nisi cum Superis, communes terminos poni patitur, non mirum est, si cætera extra Archetypum *TIBI* videantur exigua, inter quæ etiam mea, nisi *Tva* essent, quia mea, qui *Tvvs* ego totus. Taceant ergo feralis Carminis noctuæ, quæ Soli, & melioribus Astris maledicere solent, sciântque nomine *Tvo*, inconcussam *STELLIFERÆ RVPI* Claritatem possidente; meis laboribus præfixo, inuidiam proprijs facibus, ac furiarum ardoribus viduatam. Qui verò sanctioribus flammis aguntur, in veritatis, ac sapientiæ indagandâ puritate, illi, *CELSIS-SIME*, & *EXCELLENTIS-SIME PRINCEPS*, illi, *Te* viam aperiente, æquâ, & serenâ fronte, hæc opera excipient, iudicabunt, approbabunt, æternitatiq̃ consecrabunt, quam *TIBI*, & illis beatissimam exopto. Datum Pragæ in Conuentu S. Saluatoris, hac luce 28. Septembris, Sancto Bohemæ Principi Wenceslao sacra, Anno 1644.

Tua Celsitud.

Additissimus Cliens

Fr. Joannes Lalemant Minimus,
Prouincialis.